

NOTAT

Finanstilsynet

27. oktober 2022

J.nr.

/SBAK+ESLA

**Taarsigassarsisitsisarfiit aningaasaliisarfiillu
aningaasaateqarnissaannik
nakkutigineqarnissaannillu inatsisimmut
allannguinnissaq pillugu naalisarlugu
imaqarneriugaq**

Ataani atuarneqarsinnaavoq taarsigassarsisitsisarfiit aningaasaliisarfiillu aningaasaateqarnissaannik piumasaqarneq pillugu inatsisip allanngortinneqarnissaanut inatsisissatut siunnersuummut atatillugu naalisarlugu imaqarneriugaq.

Imaqarneriukkami imarisaapput Kalaallit Nunaanni taarsigassarsisitsisarfiit aningaasaliisarfiillu aningaasaateqarnissaat nakkutigineqarnissaallu pillugit inatsimmi allannguutissat pingaarnert aammalu Kalaallit Nunaanni pissutsit tunngavigalugit naleqqussaati pingaarnert.

1. Siunertaasut aammalu EU-mut attaveqarnermut tunngasut

Inatsisissatut siunnersuummi siunnerfiuvoq, Europa-Parlamentip Rådillu gearingsgradit, net stable funding ratio-t, tunngaviumik aningaasaateqarnissamut, pigisallu akornanni nalikillilerneqarsinnaasutut naleqqussoriineqartut, illuatungiliuttut inissisimasut akiitsut iluini navialititsinnaanerit, niuerfiusoq aallaavigalugu navialiffiusinnaasut, ataatsimoorluni aningaasaliisarfiit eqquisinnaanerit, eqqorneqaataasinnaasut angisuut aammalu nalunaarusiortarnissamik ilisimatitsissuteqartarnissamillu piumasaqaatit (CRR II) pillugit allannguinnissamik peqqussutaata (EU) 2019/876-p, (EU) nr. 575/2013 allanngornissaanut peqqussumik (CRR II), Europa-Parlamentip Rådillu (EU) nr. 575/2013-imi allannguinnissamik peqqussutaata 2019/630, 17. april 2019-imeersup, tunngavinnik malinnaalluanninnerit peqqutigalugit annaasanut matusasutissanik minnerpaaffiligaasunik (NPE) piumasaqarnermik imaqartup aammalu Europa Parlamentip Rådillu allannguinnissamik ukuninnga, covid-

19-imik nappaalanersuarmut attuumassuteqartutigit iluarsaassissutaat pillugit imaqartup, Kalaallit Nunaannut atuutsinneqalernissaat.

CRR II-mi siunertaavoq taarsigassarsisitsisarfiit patajaassusiisa nukittorsarnissaat aningaasatigullu patajaannerulernissaq kiisalu taarsigassarsisitsisarnermi, annertusiartortitsinermi suliffissaqartitsinermilu malittarisassanik ikorfartuusiinissaq.

NPE aqutugalugu peqataaffigiumaneqarpoq taarsigassarsianik akiliisarnerit tutsuiginarnerusumik malinneqartinniarnissaat isumannaarinninnikkut aningaaseriviit taarsigassarsitsinerminnut atatillugu piffissaq eqqorlugu naammattumillu nalikilliliisalernissaat. Taamatut iliortoqarneratigit ilaatigit pitsaangorsarumaneqarpoq iluamik taarsersorneqanngitsunik unitsitsisalernissaat, pineqartillugit taarsigassarsiaritinneqarsimasut annertuumik aningaasarivimmuut malitseqartitsisut, taamatummi pisoqartillugu aningaaseriviit taarsigassarsitsisinnaanermut periarfissaqarnerat eqqugaannginnerussammat imal. eqqortumik taasersuinnginnerit pequtugalugit aningaasassaalleqilersutut inissinnginniassammata.

CRR covid-19-imik aallaveqartunik aqqissuinnikkut anguniarneqarpoq EU-mi aningaasaseriviit ikorfartorneqarnissaat, taamatut iliornikkut covid-19 ingerlatillugu suliffeqarfinnut inuinnarnullu suli taarsigassarsisitsijuarsinnaaqullugit aammalu napparsaqqikkumallugu europami aningaasaqarneq.

CRR Covid-19-ip kingunerisaanik iluarsisuteqarnerit iluini ipput CRR II-mi taarsigassarsisitsisarfinnut piumasaqaatit ilaasa iluini oqilisaassinerit..

Inatsimmissamik sinnersuuteqarnermi siunertarineqarpoq isumannaarinninnissaq Kalaallit Nunaata malittarisassaqaartinnissaa – nunami pissutsinut tulluarsagaasunik – Danmarkimi malittarisassat malillugit tunngavigalugillu CRR-imut allannguutissatut piumasarineqartut. Oqaatigineqassaaq CRR Kalaallit Nunaannut atuuttsinneqarmat.

2. CRR II pequtugalugu allannguutit pingaarnerusut

2.1. Niuerfiusumi navialisinnaanerit

Niuerfiusuni navialissutaasinnaasunut atatillugu tunngaviumik aningaasaateqarnissamik piumasaqaatip aaliangerniarnerani suleriuserineqartoq CRR II-mi allanngortinneqanngilaq. Peqqussulli atorlugu nutaamik ilusiligaasumik nalunaarusiortoqartalernissaq pilersinneqarpoq aammalu nutaamik niuerfiusuni navialiffiusinnaasunik nalilersueriaseqarnissaq sukumiinnerusoq periuseq Basel-standard-imik taaneqartartoq tunngavigalugu pilersitsisoqarluni.

Taamatut suleriesissatut najoqqutassamik nutaamik pilersitsinikkut aammalu aningaasaateqarnermut nanertuussaasut pillugit suleriesissiortoqarneq aqqutigalugit aningaasaqarnikkut nanertuutaasinnaasut, siammasissumik isigalugu, qaffasinnerulissapput minnerunngitsumik eqqarsaatigalugit aningaasariviit sanaartortitanut atatillugu pappialaut nalilittut/obligationit pigisaat.

2.2. Gearingsgrad

CRR II malillugu, ingerlatsiviit gearingsgradimik taaneqartartumik tunngavigilissavaat 3 procentit. Tamanna tassaavoq minnerpaaffiliissut piumasarineqartoq taarsigassarsisitsisarfiup minnerpaaffiligaasumik aningaasaateqarnissaannut tunngasoq, tassani sanilliussivineqarluni ingerlatsiviup tamakkiisumik navialisinnaanermut kisitsisiligaanngitsumik eqqorneqaatigisinnasai – soorluassersuutigalugu taarsigassiissutit.

Gearingsgradimik taaneqartoq tassaalissaaq tunngaviusumik aningaasaateqarnissamut piumasaqaat soorlu assigaluit allat inatsisitigut minnerpaaffiliilluni piumasaqaatigineqartut, aammalu gearingsgrad-imik eqqortumik malinninnginnerit pillugit qisuariartoqartalissaaq soorluli I-mik piumasaqaammik unioqqutitsinertut sakkortutigisumik, tassa imaaappoq taamatut pisoqartillugu nakkutilliinermut oqartussaasut aningaaseriviup aningaaserivittut ingeerasinnaaneranut akuersissut tiguneqarsinnaalissalluni, sivikitsumik aaqqiinissamik periarfissiineq ataqqineqarluni malinneqanngippat.

2.3 Angisuumik eqqorneqaataasinnaasut

CRR II aqqutigalugu eqqorneqaataasinnaasut angisuut qanoq naatsorsorneqarnissaat erseqqissaaassutigineqarpoq, taamatullu iliornikkut malittarisassat Basel-standard-imut nalimmassarneqarlutik. Tassani pineqarluni Basel-Standard 2014-imeersoq. Ingerlatsiviusup angisuumik eqqorneqaatigisinnasai siumut isigisumik naatsorsorneqartarput sanilliussuunneqarlutik aningaasanut tunngatillugu nalilersueriaaseq qangaanerusumut eqikkagaanerusoq sanilliullugu.

Tamatuma malitsigisaanik, eqquisinnaasut amerlanerit angisuutut nalilernerqartalersussaapput soorlulu aamma eqqorneqarsinnaanermi amerlanerusut nalinginnaasumik killiutitaasumik 25%-iusumik (akunnaatsumik pigisaasunit) qaffasinnerusalersussaassallutik, tassa inissillugu ingerlatsiviup tunngavigisamisut aningaasaataasa iluini eqqorneqaataasinnaasut annertussuseqarsinnaassasut. Killiliussa qimmorneqarpat taava ingerlatsiviup apparsassavai eqqorneqaataasinnaasut.

Malittarisassani maanna atorneqartuni eqqorneqataasinnaasut angisuut akornanni inissiissutaaneq ajortut arlaqarput, tamakkulu amerlanersaat siunnersuutigineqarpoq allanngortinneqarnatik ingerlaannassasut.

2.4. Iluarsiiinerit aallaavigalugit nalunaarutiginninneq

CRR II arlaqartunik allannguutininik imaqarpoq, taakkunani anguniarneqarluni malittarisassat imminnut ataqatigiinnerulernissaat. Ingerlatsiviit mikisut nakkutilliusunut nalunaaruteqarnissamik pisussaaffii annikillineqassapput taamatut iliornermi sammivinni arlaqartuni maanna ukiut affakkuutaartumik pisarnerit ukiukkuutaartunngortinneqassallutik.

Taaneqartut saniasigut ammaanneqassaaq nakkutilliinermut oqartussaasut ingerlatsivinnut immersugassiaat ilaannik atuinissaannik pisussaajunnaartissallugit, paasissutissat allatut tunniunneqarsinnaappata, soorluli aamma piumasarineqartoq paasissutissanik assigiinnik tunngaveqartunik maarlariarluni piumasaqartoqarsinnaajunnaarsitsisoqassasoq.

2.5 Ilisimatitsissuteqartussaaitaaneq

CRR II-imi tamanut ammasumik malittarisassat ataqatigiinnerusunngorsarniarneqarput, tassani pingasunik immikkoortunik pilersitsisoqarluni apeqqutaatillugu ingerlatsiviup qanoq angissuseqarnera. i

Kiisalu nutaanik allanngortitanillu søjle I-inut tamanut ammasumik nalunaaruteqarnernut nalimmassaarutit arlaqartut atuuttussanngortinneqarput, aamma illuatungiliuttutut inissisimasunit navialiffiusinnaasut aammalu niuerfiusumi navialiffiusinnaasut pillugit. Allannguutit aqutigalugit anguniarneqarpoq aaliangersaatit nunarsuarmi najoqqutanut atorneqartunut naapertuuttunngortinnissaat.

Kiisalu siunnerfigineqarpoq, ingerlatsiviit, ingerlatsiviup iluani nammineq navialiffiusinnaasut qanoq oqimaassuseqarerinik naatsorsuinissaanut najoqqutassiaminnik atuisut, nalinginnaasumik najoqqutassiap ataani aamma saqqummiuttalissagaat navialiffiusinnaasutut oqimaassusilersukkatik.

2.6. Aningaasaliinerit patajaatsuunissaannik piumasaqarneq (Net Stabel Funding Ration – NSFR)

CRR II aqutigalugu ingerlatsiviit patajaatsumik aningaasalersorneqarnissaannik piumasaqarneq eqqunneqarpoq (Net Stable Funding Ratio, NSFR), taassuma - siammasissumik isigalugu - isumannaassammagu, ingerlatsiviit taarsigassiisutigisaasa allallu ingerlanneqartut annertunerusumik sivisunerusumik ingerlasunik tunngaveqartumik aningaasalersorneqartalernissaat.

Taamatut iliornikkut pinngitsoortikkumanearpoq taarsigassarsiaritineqartut siviisuumik ingerlasussatut inissinneqartut annertuallaamik sivikitsumik siviisussuseqartunik aningaasalersorneqannginnissaat, taamatummi ingerlatsinerup taarsigassarsisitsisarfiit aporfississinnaammagit, ingerlatsiviit niuerfiusup ingerlanerliornerani sivikitsumik aningaasalersuinissaminnut pissarsinnaanissamut ajornartorsiulernerat, soorlu assersuutigalugu tamanna pinikuusoq nunarsuarmi aalingaasatigut ajornartorsiortoqalermat.

CRR II-p imarisai - soorlu Basel-standard-imi taamatut aamma ittoq - NSFR-piumasarisap avataanut inissinneqarsinnaaneq pineqartillugu aningaasartuutit pigisallu "imminnut ataqatigiissusillit" periarfissinneqarput, soorlu tamanna qallunaat sanaartortitanut taarsigassarsiaritineqartut siviisuumik tunngavittut ittumik aallaaveqarlutik asanaartortitsinernut atatillugu pappialat nalillit /obligationit siviisussusii assigalugit ingerlasussamik.

Taaneqartut saniasigut avataanut inissiinermi Kommissionip siunnersuutaani periarfissaapput sanaartortitsinernut atatillugu pappialat nalillit siviikinnerusumik siviisussusillit, siviisunerusumik ingerlasussamik aningaasalersuisussat, assersuutigalugu soorlu taakku nammineq naliliinermik aallaveqanngitsumik siviisorneqarsinnaanerat, assersuutigalugu qallunaat nutaamik aningaasalersuinermi ingerlatseriaasiannut inatsisaasutut tunngavigisaannut assingusumik.

2.7. Aningaasassaqaarnissamik akiliisinnaassuseqarnissamillu piunasaqaatinut atatillugu avataanniititsinerit

CRR II aqutugalugu nakkutilliinermut oqartussaasut, nunani ilaasortaasuni arlaqartuni ingerlatsivinnik nakkutiginninnermik isumaginnittartuusut, ingerlatsiviit ataanni ingerlatsiviusut aningaasateqarnissamik akiliisinnaassuseqarnissamillu piunasaqaataasunit illikartissinnaavaat, tassanilu Den Fælles Tilsynsmekanisme (SSM) tassaassaaq avataanut inissiinermik atuisinnaasoq, Taanna tassaamat oqartussaasutut inissisimasutuaq, ullumikkut nunani ilaasortaasuni arlaqartuni qitiusumik ingerlatsiviusunik ataanilu ingerlatsiviusunik nakkutilliinermik isumaginnittartuusooq.

Taamaattumik illuarsaassisarnerit aningaaserivinnut ataatsimoortunut (maanna tassa euromik atuiffiusunut) sammisuuvoq tunngavigalugu SSM naammattumik ilisimaqartuummat, piginnittut ingerlatsivinnut ataanilu ingerlanneqartunut tunngasunik naalagaaffiit ilaasortaasut iluini ittunut taamalla avataanut inissisinnaanermik atuiffiusinnaasut pillugit.

Piumasarisasut avataanut inissiisoqassappat, aatsaat tamanna pisinnaavoq qallertut ingerlatsiviusooq sallunaveeqqutissanik ilaannakuugaluartumilluunniit qularnaveeqqusiisnaappat. Sallunaveeqqusiinerup isumannaartussaavaa, qallertut ingerlatsiviup atimini ingerlatsivimmut ikorfartuisinnaanera, arlatigut ajornartorsiummik pisoqartillugu. Ullumikkut taamaallaat nuna, atimi

ingerlatsiviup najugaqarfigisaani najugaqartoq, avataanut inississinnaanermik ingerlatsivigineqarsinnaavoq.

2.8. Pigisat nalikillilernerneqarnissamut piukkunnaateqartut

CRR II-p imarivai CRR-imit allannguutit arlaqartut FSB-p najoqqutassiaanun allannguinerit peqqutigalugit pinngortut Total Loss-absorbing Capacity (TLAC). TLAC piumasaqaataavoq pigisat nalikillilernerneqarsinnaasut pillugit taarsigassarsisisarfinnut pingaaruteqartunut (G-SIFI-nut) tunngasut iluini.

Allannguutit annertuumik malippaat Kommissionimit siunnersuutaasumi BRRD-mik allannguinnissamut tunngasut, pillugit annaasanut taarsigassarsisisarfiit aningaasaleeqqinnerillu pillugit matussutissaqarnissamut sammisut.

Qallunaat inatsisaat, BRRD-mik atuilernissamut tunngasoq, Kunngip peqqussuteqarneratigut Kalaallit Nunaannut atuuttussangortitaavoq tassani pineqarluni aningaaserivittut ingerlatsisinnaanermut aammalu ilusilersueqqisinnaanermut atorunnaarsitsisinnaanermullu inatsit.

Aningaaserivittut ingerlasinnaanermut inatsimmut allannguutit aammalu aningaaserinermik ingerlatsiviit ilaannik nutaamik ilusilersuisinnaanermut atorunnaartitsisinnaanermullu inatsimmut allannguutit BRRD-mik atuutsitsilernerup malitsigisaanik pilersinneqartut, Kalaallit Nunaannut ataatsikkut atuuttussangortinneqassapput Kunngip peqqussuteqarneratigut inatsit pineqartoq kunngillu peqqussutaa 1. juli 2023-mi atuutsinneqalerpata.

2.9. Illuatungiliuttut inissisimasut peqqutigalugit navialiffiusinnaasut

CRR II-mi atuuttussangortinneqarput najoqqutassiat nutaat pingasut Basel-standard atorlugu illuatungiliuttut inissisimasut peqqutigalugit navialiffiusinnaanermik naatsorsuineri aningaasaateqarnissamut atatillugu piumasaqaataasut.

CRR II nalinginnaasumik najoqqutassanik nutaanik pingasunik imaqarpoq:

Nalinginnaasumik periuseq nutaaq (SA-CCR), navialisinnaanermut malussarinnerusoq, aammali atorlugu pisariunerusoq.

Nalinginnaasumik najoqqutassiaq atoruminarsagaasoq (simpl SA-CCR), ingerlatsivinnit, oqimaaqatigiissitsinermi aammalu naligiissitsinermi ilaatinneqanngitsunik niuernermini oqimaaqatigiissitsinermi 150 mio eurot tikillugit tamakkiisumik pigisaani 10%-iannik ikinnerusunik pappialanik nalilinnik tunngaveqartut.

Eqqorneqaataasinnaasunik nalilersuinermi atorneqartartumik nutarteraluni tungavissiaq nutaaq. Aallaqqaataani atorneqartartumit nutaaliaq, SA-CCR-imut naleqqussagaasoq, kisianni atoruminarnerusunngortillugu.

Taanna ingerlatsivinnit tamakkiisumik oqimaaqatigiissitsinermi 10%-inik appasinnerusumik inissisimasunit atorneqarsinnaavoq qummut killigalugit aningaasat 20 mio euro-t.

2.10. Qitiusumik illuatungiliuttut inissisimasut pequtigalugit navialiffiusinnaasut

CRR II atorlugu iluarsarneqarput qitiusumik illuatungiliuttut inissisimasut pequtigalugit CCP-t eqquissutaasinnaasunut atatillugu aningaasanik pisariaqatinneqartunik naatsorsuinissamik piumasaqaat.

Qitiusumik illuatungiliuttut inissisimasuq illuatungeriit akornanni pappialanik nalilinnik niueqatigiinnermi akunniliusimasunngortarpoq tuniniaasumut illuatungiliuttunngorluni aammalu pisinermi illuatungiliuttunngorluni. Siunnersuutip atuuttussanngortippaa Basel III-tut taallugu najoqqutassiaq.

2.11. Ataatsimoorluni aningaasaliiffiusinnaasut aqutigalugit eqqorneqarsinnaanerit

CRR II atorlugu iluarsarneqarpoq ataatsimoorluni aningaasaliiffissiatigut eqqorneqaataasinnaasunik nalilersuisarneq (piginneqataanerit piginneqa-taassutsillu tunngavigalugit) (CIU), Basel-Komitemit najoqqutassiaq atorlugu. Allanguutit aqutigalugit anguniarneqarpoq ingerlatsiviit nalilersuinerni navialiffiusinnaasunut malussarinnerulernissaat nunarsuarmullu tamarmut tamakkua atorsinnaanerulernissaat.

3. NPE pequtigalugu allannguutit pingaernerusut

3.1. Ajornartorsiornermi pinartumik inissisimalermermi taarsigassarsisarneq

Peqqussutip imarivaa minnerpaaffiliissutit, tassani kisitsisilerlugit aningaaseriviit siunnersuusiap saqqummiunneqarnerata kingorna pinartut taarsigassarsiaminnut illikartitassaat (akiliisinnaassutsimut akunnatoorutaasinnaasut pillugit). Peqqussutip imarivaa nassuiaat pinartumik taarsigassarsinerup qanoq paasisassaanera, tassanilu aamma ipput sukangasuumik piumasaqaatigineqartut, qanoq ilineratigut taarsigassarsisitsisarfiit pinartumik tunngaveqartumik eqqugaasinnaaneq qaqugukut taamatut sigineqarunnaassasoq.

Akiliisinnaassutsimut akunnattoornermik inissisimaneq naatsorsorneqartarpoq minnerpaaffiliussap aningaaseriviillu naleerutsitait allallu aningaasaqarnermut ilanngaataasut imminnut sanillunneqarfigit, soorlu pinartumik pisutut eqqorneqarsinnaaneq aallaavigalugu IRB-mik suleriutsip atorneratigut. Tassani minnerpaaffiliinissamik piumasaqaat qaffasinnerpaatillugu, aningaaserivik akiliisinnanermut akunnatoruteqarneq pillugu naliliissaaq, ani-ngaasaatigisatut pigisat (CET1) iluini ilanngaasiinikkut. Taamatut iliornikkut minnerpaaffiliineq unissaatit atorneqalissaaq.

Minnerfaaliinissamik piunasaqaatip annertussusia aaliangerneqassaaq makku tunngavigalugit: 1) aningaaseriviup pinartumik inissinnermi taarsigassarsiaata annertussusia, 2) taaneqartup taarsigassarsinerata qanoq siviutigisumik ingerlasimanera, 3) taarsersuineq ullut 90-it sinnerlugit kinguaatoruteqarfigineqarsimanersooq (akiitsoqarneq), 4) sillimmasiissutit annertussusiat.

Pingaarnertut nalileeriaasiuvoq, pinartut inissisimaneq sivitsoriartortillugu, taava taarsigassarsiap akilerneqarsinnaanginneranik navianartorsiorneq annertusiartortartoq, taavalu taamatut inissittoqaraangat eqqorneqaammut aaqqiinissamut minnerpaaffiliilluni piunasaqarneq annertusiartortarluni.

4. CRR Covid-19-eqarneq pequtigalugu iluarsiiissutit pequtigalugit allannguinerit pingaarnertit

4.1. Pinartut inissinnermi pisortanit sallunaveeqqusigaasumik taarsigassarsiat minnerpaaffiliilluni piunasaqaaserneqarnerannik sakkukilliliineq

Ingerlatsiviit pinartumik inissinnikkut eqqorneqaataasinnaasunut atatillugu annaasanut matussutissaqarnissaannut atatillugu aningaasaateqassuseqarnissamik piunasaqaat taaneqartarpoq NPE-unitsitsiniut. Taanna pilersinneqarpoq aprilip qaammataagaa ukioq 2019 aningaasaateqassusissamik piunasaqaatip allanngortinneqarneratigut.

NPE-unissaat aamma aningaasaateqassutsikkut minnerpaaffiliilluni piunasaqaasiinnermi ilanngunneqarpoq ikaarsaarnermi aaqqiissutaagallartussa, taamaattumillu ilaatinneqaratik eqqorneqaataasinnaasut 26. april 2019 sioqqullugu akuersissutigineqarsimasut, taarsigassarsisitsisarfik taarsigassarsisitsisinnanermut periarfissanik eqqorneqarnisamat qaffassaataasumik allannguisimatinnagu.

NPE-unissaatip ataani aaliangerneqartarpoq pinartumik inissittoqarneranik eqqugaasinnaanermut tunngasumik aningaasaateqassuseqarnissamat piunasaqaat aallaavigalugu, eqqorneqaataasinnaasup qanoq siviutigisumik ingerlasimanera (tassa taarsigassarsisitsinerup taarsigassarsisitsisumut qanoq siviutigisumik annaasaqarfiusimanera), eqqorneqaataasinnaasup iluani qanoq annertutigisumik sillimmasiussisoqarsimanersooq qanorlu isikkoqartumik taamatut iliortoqarsimanersooq (soorlu illut atorlugit). Tamakku nalingi aallaavigalugit kisitsisinik oqimaalutalersuisoqartarpoq. Kisitsit 0-iuppat, taava NPE-unissaammut aningaasaateqarnissamik piunasaqaasiisoqarneq ajorpoq. Kisi-tsilli 1-iuppat, taava NPE-unissaatip ataani aningaasaateqarnissamik tamakkiisumik minnerpaaffiliilluni piunasaqartoqartarpoq.

Pinartumik tunngaveqartumik pilersitsinnermi eqqorneqarsinnaanermut kisitsisiliineq, pisortanit sallunaveeqquusiisoqarsimatillugu, CRR Covid-19-imut atatillugu

iluarsiissutit tunngavigalugit 0-imut ukiuni 8-ni atuuttussannguilluni inissiisoqassaaq. Tamanna isumaqarpoq, piffissap iluani taaneqartutut pinartumik pinngortunit eqqorneqarsinnaaneq peqqutigalugu aniingaasaateqarnerup tunngavia appartinneqassanngitsaq.

4.2. Gearingsgrad-imik taaneqartumut atatillugu piumarisanut ilanngunniakkap atuuttsinneqalerfissaanik kinguartitsineq

CRR Covid-19-imut atatillugu iluarsiissutaasut peqqutigalugit gearingsgrad-imik taaneqartup G-SIFI-nut /ingerltaivinnut pingaaruteqartunut) atatillugu ukiumik ataatsimik kinguartitsisoqarpoq, taamatut ililluni atuuttsinneqarlernissaa 1. januar 2022-ujunnaarluni aatsaat 1. januar 2023-imi pisussanngorluni. Tamanna pivoq Basel-Komitep inassutaa malillugu.

CCR Covid-19-imut atatillugu iluarsiissutit tunngavigalugit EU-mi ingerlatsiviit annerpaat/pingaaruteqarnerpaat (G-SIFI-tut toqqarneqarnikuusut) naatsorsuutigineqaraluartumit ukiumik ataatsimik kingusinnerusuukut gearingsgradbufferimik taaneqartumik malinnittussanngortinneqarput. Kalaallit Nunaanni ingerlanneqartut taamatut inissisimasortaqaanngillat. Nunatsinni ingerlatsiviit arlaanaannilluunniit G-SIFI-tut toqqarneqarnikuunngimmat.

4.3. Geraringsgradimik naatsorsuinernut atatillugu qitiusumik aningaaserivinnut eqqorneqaataasinnaasut pillugit suliaqarnerni allannguinerit

CRR Covid-19-imut atatillugu iluarsiissutit malitsigisaannik, taaamaallaat iluarsiissutaasutut geraringsgradimik naatsorsuisoqassaaq, oqartussaasut qitiusumik aningaaserivimmik pineqartumik tusarniaareerpata nalunaarpatalu, immikkut ittunik inissisimasoqartoq, ammaassisunik ingerlatsiviit qitiusumik aningaaserivimmut eqqorneqaataasinnaasunut atatillugu ilaatinneqannginnissaannut tunngaviliisunik, taamatut iliornikkut aningaasaqarnikkut politikki ikorfartorumallugu. Taamaattumik (CRR II-mi aaliangiunneqarsimagaluartutut) gearingsgrddimut atatillugu piunasaqaateqarnikkut ingerlaavartumik iluarsaassisoqassanngilaq, ingerlatsiviit centralbankimut atugarisaminnut atatillugu eqqorneqarsinaanermik inissisimanerat allanngoraluarpuunniit.

CRR Covid-19-imut attuumassuteqartutigut iluarsaassinerit periarfissiissutigissavaat taarsigassarsitsisarfiit aningaasaqarnikkut sillimmartaarsimanissaat (gearingsgrad tamatumunngalu piunasaqaatit sanilliunnerisigut) taamatullu iliornikkut aningaasaqarnermut atatillugu politikki ikorfartorneqassaaq, taamaaliornikkullu ingerlativiit suliffeqarfinnut inuinnarnullu taarsigassarsitsisinnaanerat apparsarnagu ingerlaannarsinnaasunngortinneqassalluni.